

双陽縣志

緒言

雙陽爲吉林西境曩屬吉林縣自清初設烏拉將軍雍正間置永吉州乾隆間設蘇完站迄今蓋二百有餘年矣是雙陽開闢不惟先於磐石農安諸縣即長春伊通且遠居其後也然山川之靈秀人士之瑰奇物產之豐饒悉未著明於世豈非史乘記載之缺乎今因

清史館飭編鄉土志遂邀集多士編緝是書採訪考校閱數月而成非敢自謂完備但撮舉要領付之剞劂使我最寶貴之雙陽映入全國人民之眼簾庶此邦人士各具地方之觀念而往來過客登望景高峯北望柳邊東渡伊門右岸西訪名勝知叢彌彈丸於地理歷史大有關係也豈非斯邑之榮幸哉夫是爲序中華民國四年十月上旬吳榮桂序於雙陽縣勸學所

雙陽縣鄉土志凡例

- 一 是編以說鄉土爲主與鄉土無關者絕不涉及
- 一 是編共分六門首疆域次山川次人民次吏治次物產次交通
- 一 是編專紀鄉土故以疆域山川人民物產四門居首而以交通一門列後
- 一 是編所言河名站名若依爾們河蘇幹延站之類皆查照吉林通志滿洲地志東三省紀略等書仍其舊名

- 一 附錄之件皆以類相從附於一篇或一條之後以免凌亂
- 一 鄉土之志所以動人民愛鄉之觀念故於古代近今之事必詳細開載以誌紀念
- 一 是編爲詳述鄉土故於風俗習尚飲食衣服瑣屑之事不憚詳言以求真相
- 一 吏治一門專載歷任文武官職以備參考至本境搢紳名宿則載於耆舊類中

雙陽縣鄉土志目錄

疆域

位置

沿革

幅隕

附失地記

境界

地勢

區畫

附段落境界距離建設一覽表

山川

山脈

河流

名勝

附古蹟考

要塞

人民

戶口

種族

宗教

禮俗

文化

吏治

文官

武職

耆舊

名宦

節義

物產

天然物

種植物

製造物

交通

道路

郵政

雙陽縣鄉土志

疆域

位置

雙陽縣位於吉林省西距省會二百里西以柳條邊墻爲界與郭爾羅斯公前旗接壤南通磐石北控長春西連伊通東接吉林居吉長磐伊四縣之中故開闢最早我縣地位日見重要將來發展殆不可量

沿革

(一) 古代沿革 隋唐以前爲高句驪地以書闕無徵不能詳攷遼金爲寧江州旁境明爲依爾們河衛蘇完河衛

(二) 近代沿革 清初於沿邊近地移置旗民設台立門而台有波什庫門有章京以統治八旗各戶惟旗民重要之訴訟仍歸吉林至乾隆二年於蘇完延河南設蘇幹延站即今縣城之地也宣統二年經吉林巡撫陳昭常奏請改站爲縣始與吉林縣分治迄今十六週年矣

幅隕

南北長約一百四十里東西寬約九十四五里共面積一萬三千一百七十餘方里有奇
附失地記

清光緒二十一年俄人入縣之北境探採煤鑛遂勘定石碑嶺陶家屯等處買地築室
招華工開採後因石碑嶺陶家屯兩地煤產豐富華工麇集遂將兩地附近民田逼買
各四五千响大事建築又因運輸不靈置電線一條小鐵道一條鐵道僅用馬力人力
等車運輸其軌甚狹故曰小鐵道也電線鐵道均由長春北頭道溝東偏起沿長春城
東向南行約二十里至山灣子分兩股一向東南行至石碑嶺止一向南行經小河台
腰站等處至陶家屯止約長五十餘里鐵道電線所佔地基暨沿道置房設站侵佔民
田約五百餘响計十方里有奇自光緒三十一年日俄戰後中日結束三省善後條約
其附約第六款載明南滿鐵路幹線支線仍歸日本繼續經營自是俄於雙陽北道建
築之利權悉歸日本今日本經營不遺餘力更於沿道築房數十所以便移民買糧之
用

境界

清宣統二年九月十一日由吉林民政司鄧飭委員毓將縣界勘清立案查本縣交界多

係天然東與東南東北均以飲馬河流爲界北與西北正西以柳邊爲界西南以小黑頂子三道溝諸山爲界南以肚帶河南王寶脖子嶺南爲界

地勢

全界南北縱列成長方形崇山峻嶺層巒疊嶂四面皆是惟縣北數十里多低窪之處爲水淹所會集一遇久雨即成澤國沿伊們河沿一帶平坦遼闊多良田沃壤惟遇河水泛溢稍害禾稼耳此水利不興之過也

區畫

全縣分五警區以自治未成立故城鎮鄉區域未經畫分姑將五警區之段落境界距離建設列表明之

山川

山脈

遠脈來自庫勒嶺

即磐石縣之呼崙嶺

近脈則分自望景山

即第三區西南隅之最高峰俗稱光體骨山

望景山分東西

二脈

東脈分二支一支東北行爲將軍嶺帶山至三區北界賀家溝止一支向東行

約二十里又分爲二股一股東南行爲羊圈頂子帶山一股東北行爲荒頂子帶山至

鴨子架由三區東北界直向北行千山萬壑奔赴二區境 西脈由望景山西分一支

經張炮手溝至三區西南角則折向北行約二十餘里至齊家瓦房分爲三股一股東行爲小黑頂子杏樹頂子諸帶山一股東北行入四區界爲青石礮尖山子諸帶山一股沿四區西界北行爲沙子嶺楊家崗諸帶山迤邐經奢嶺口子歷范家店入五區境是全縣山脈皆自望景山來也登望景高山北望全縣見山脈東西錯出相向北行繞於縣之四週層層包括誠大觀也

河流

飲馬河爲吉雙兩縣交界發源於吉林縣西南諸山下流東北至三岔河口又東入松花江

雙陽河爲境內大水發源於三區望景山之北麓至縣城南分數脈北趨過城北仍匯爲一又北至楊家橋爲二區四區分界又斜向東北行經北大橋至南河一帶爲二區五區分界迤東經小東屯過天成號至宋家船口入飲馬河

肚帶河發源於望景山麓之支峯由西向東曲折五十餘里經黑瞎子崗過三家子至釣魚台入飲馬河

其餘小河若五區北境之小河占三區之瀝水河四區之石溪河皆溝瀆之稍大者總

之山多則澗多雙陽全縣羣山糾紛小河隨地皆是曷勝枚舉姑不俱述

名勝

望景山俗稱光頂山又呼光髀骨山以此山高聳入雲怪石嵯峨骨相盡露如人之裸體而立者焉此山爲雙陽主山全境山脉皆由此分出故特表之

羊圈頂子山

在三區東南境

此山高大亞於望景山由西麓南上迂迴行五里餘至山巔俯瞰羣

山如兒孫羅列東視飲馬河曲折如帶直貫全縣之南北尤足奈者山巔有平地一方約一响餘四週亂石環繞宛若羊圈者然故名羊圈頂子圈之中央有一古井深不能測不知掘自何人豈昔爲火山而噴火之口未經寒歟抑古之名僧高士曾築室於鑿掘此井歟代遠年湮無從徵驗亦可慨矣

小河台南大山

在五區西北境

俗名大頂山雖不甚高惟端巖秀傑孤峙無依形如毛桃下圓上

尖微帶歪尖由長春南門遙望此山如在目前不啻長春縣之塔也山北麓多林木鬱乎蒼蒼尤足爲此山增色長春縣南門匾額曰衆山遠照雖兼指他山而言實以此山爲重也

其餘若南境之大小風帽頂子五花頂子諸山皆足壯觀瞻蓋雙陽山多秀傑故名勝

多在於山也

附古蹟考

釣魚臺二 一在平埠子南飲馬河左岸 一在長嶺子東北之河沿係飲馬河右岸

惜名稱雖沿基址無存或曰女真王子游觀之所至也古城三 一東營城子五區新安堡南界

二姚家城子四區奢崙口子南三城和店地四區奢崙口子西南址面積亦相若迄今土圍之中已成田圃耕者往往於敗瓦殘甃中得刀劍遺鏃想當日必有軍事上之關係三城並峙以扼戰爭之衝如唐張仁愿築三受降城以扼匈奴之意俗傳此三城爲高麗城考伊通縣古爲高句驪境此城西距伊通界不逾二十里然則俗傳亦有由也

古墳二 一在石碑嶺上五區小河台北石碑已無只存碑座半埋土中石棺有二一露土外業

經殘破一埋土中民國元年經日人掘出於棺中得金龜寶劍玉佩之屬立廟留祠題爲女真儀同三司左副元帥完顏公之神位距今八百餘年 二在小腰站西山上

五區小河台南此墳未經發掘外有石棹一大半埋土中旁有石人二烏帽蟒袍笏板俱全如大臣侍立之狀又旁有石羊二石虎二俱屬臥形民國二年被日人由小鐵道

俱全如大臣侍立之狀又旁有石羊二石虎二俱屬臥形民國二年被日人由小鐵道

道上載去石人石羊石虎各一今止存其一焉古蹟之不能保亦國恥之一也
要塞

雙陽居吉長磐伊四縣之中心似非邊防之要區然北至柳邊與郭爾羅斯公前旗接壤且日本南滿鐵路之支線由長春伸入縣之北境已浸浸南下矣小河台之崇山峻嶺北控長春實據居高臨下之勢日俄之戰俄人於小河台境之山嶺徧築砲壘以扼西來之師卒操勝算今舊壘俱存登臨四望頗占形勝望當事者毋輕此要塞任他人之佔據也

人民

戶口

二萬八千一百三十四戶

二十八萬六千三百一十七丁口

種族

漢族居全戶口十分之六多係由山東直隸奉天三省遷徙之民滿漢分三類 一旗丁係正滿族 二站丁三台丁均係後入旗者三類約居全戶口十分之三 回族居

縣城附近及大小營子等處約居全戶口十分之一

宗教

回教 五千餘人

天主教

男一百五十三人
女一百一十九人

佛教 城鎮皆有信徒但供奉無冊籍可考

道教 城鎮皆有信徒無冊籍可考

禮俗 禮所賅甚廣詳分爲七

(一) 婚嫁

婚禮分三時期

一 問名時期

禮序有三(一)媒妁向男女之父母通意(二)男女之父母由媒妁導引互相串門
男家相女女家相男(三)由男女之父母允定無父母則伯叔父母主婚或寫禮柬

或下定 二 納彩時期

禮品爲銀錢首飾衣服食物等項以通常言之禮銀爲十六兩以老銀價每兩二吊計算首飾衣服多寡
視男家貧富而定由媒妁往來議商食物爲豬酒糧米三項猪二口酒二罈粳米一斗或二斗開亦有佔

價納錢者以上品物分兩期送納衣物一期送納至期由女家治
筵款待男家賓且掛彩懸燈用鼓樂受客是爲過大禮小禮

三 親迎時期

有二路近則男赴女家親

迎用帷車一輛內坐娶親老嫗一人又隨車數輛婿簪花騎馬陪親客七人或五人連

騎而行燈燭鼓樂隨之路遠則女家先一夕送女至近村寄寓鄰舍至曉婿親迎於寓

舍亦用燈燭鼓樂親迎至門設香案庭前用紅氈鋪地鳴鑼點炮

多用紙爆

奏樂老嫗二人

扶新婦下彩輿婿至香案前北面伏拜天地新婦立婿左用紅帕蒙頭兩手各執小錫壺一內實粳米俗名保平壺婿拜天地畢起立先行嫗扶新婦履紅氍徐徐入門至室揭去紅帕遂坐帳闌面梳頭換衣男家於是日大治喜筵邀賀客並款待女家來賓懸燈結彩唱歌作樂種種娛樂於是爲極賀客各致禧儀一緡或數緡不等婚禮之大略如是

(一) 喪葬

喪禮(一)始喪 子婦於親將死時扶起更換新衣服

富者用綢
貧者用布

設靈床於寢室置新衾

褥於上既死置尸靈床合家環泣焚化紙箔更赴附近廟宇哭奠招魂按亡人年歲用

白紙數十張懸掛門外所以表哀也(一)殯殮 殮用木棺

木材美惡大小厚薄視貧富而定

既殮設香供

於前焚紙受弔更計聞遠近親友男女長幼皆按服制行孝更用畫匠圖繪棺之四週

並造紙人紙馬紙車等物以爲送行之備(二)送行 送行每在死後第三日至日親

友咸集各携賻贈致奠靈前或哭或否亦按服制孝眷俯伏喪次受弔及送行孝眷各

執香花呼亡人赴瑤池路

俗訛爲搖錢樹非也蓋瑤池世傳王母所居稱爲仙境故云然也

繞棺三匝出門外赴附近廟宇孝眷

復呼繞如前衆親扛擡紙箔車馬等物隨之遂至十字路口孝男一人登高凳向西南

大呼赴西南大路孝眷皆伏哭親朋亦哭此喪禮之大概也葬禮分二有送行之翌日即葬者有數月始葬或年餘始葬者前之速葬受親友之弔一次後之緩葬受親友之弔二次蓋緩葬多出富家恐倉猝設備不周抱恨終天故緩其時日也停柩庭前卜日邀集親友至期設席棚貼輓聯召樂工奏哀曲親友畢至孝眷伏靈前候奠香花水菓及芻靈等物列滿靈右間有用僧道超渡者今不多見窆窆或用磚砌石砌或不用磚石但用槨套於棺外及葬族姻送臨墓所將芻靈燒化下棺墓穴掩土畢孝眷向墓伏哭此葬禮之大概也

喪葬之後孝男斬衰三年百日內不剪髮三年內不作樂其餘孝眷亦按服制行孝口無歌聲門無彩色至週年則赴墓所哭祭親友亦來弔此喪葬後之大概也

(三) 祭祀

祭祀以陰歷正月爲盛民戶皆於寢室中堂設神牌啓祖龕用香燭花饌庶臚供奉次清明節至期家家携紙箔酒肉至墓田祭奠又十月一日家家亦赴墓祭掃其餘無定期者姑不贅述

(四) 習尙

人民習尚多原於歷史地理我縣北境開闢早南境開闢晚北境近通衢兩境鄰荒徼故北境尚文多衣冠之士南境尚武多勇烈之風蓋原於歷史地理如此也

(五) 飲食

穀類以秫米小米元豆爲主豆腐醬油尤家家共製蔬類以葱韭菘芹蘿蔔等爲常品馬鈴薯園菽窩瓜尤家家盛植 肉類以豬爲主除回教外鮮食牛羊 鄉民每日三餐惟冬季每日兩餐 城民無論冬夏皆每日兩餐 鄉民常食小米城民常食秫米

農家耕耘收穫之時以黃麵團

取黍米製成麵實以豆餡團成團蒸之

爲美食猪肉一項此地盛出每逢節

序家家煮食又冬季富厚之家取錫鑪設案上泡湯鍋中炙炭鑪甬取豬雞等肉切成薄片置鍋內煮之和以鹹酸等味俟熟則圍坐啜嚼旋煮旋食如是數次至飽而止五六人每餐至十餘斤肉俗名吃鍋子

(六) 衣服

棉布爲人民常用之服料 冬季皮衣尤盛約以羊裘爲多 男子好服棉布長褂

或青

色藍 外套青褶襖對襟小刊肩或青馬褂頂戴青紉帽 婦女較男子尤好修飾鄉村

農家婦女亦皆脂粉常施衣裳襪履必求整齊女梳辮子配以紅綠絲繩或線繩婦梳

高粱圓架黑油髻髻上橫串寬扳銀匾簪或以銅爲之後綴雲翹黑燕尾間有梳京架者婦女多天足故鞋於男子同惟女鞋多繡花卉彩色與男鞋稍異

(七)居住

平房甚少草房爲多 富家則瓦房磚墻或草房磚墻俗名海青房縣鄰柳塞氣候多寒故室內無床盡用火炕人少屋多則每間一面炕屋少人多則每間對面炕妯娌對居夜則各垂幔帳晝則捲起

文化

人民向學誦聲四達除公立小學校外計中區私塾二十所改良者十一所二區私塾六十所改良者四十所三區私塾四十所改良者二十所四區私塾五十所改良者三十所五區私塾七十所改良者四十所此外游學東洋者二人肄業北京大學者一人肄業省立法政及師範中學者四十餘人已經畢業者不在此數

吏治

文官

文信 號輔臣初設治之官漢軍鑲黃旗人前清宣統二年七月到任嗣因丁艱回旗

守制九月卸事

歐暑春 號桐崗奉天梨樹縣人前清宣統二年九月到任民國二年三月卸事

茹臨元 號澤涵浙江會稽縣人民國二年三月到任三年一月卸事

宋兆麟 號仁浦直隸遵化縣人民國三年一月到任十二月卸事

梅鎮涵 號子來貴州銅仁縣人民國三年十二月到任四年五月卸事

吉人 號藹豐伊爾根覺羅氏遼陽正黃旗人民國四年六月一日到任後有張朝柱

于振民王聞長趙樹祺仇玉廷劉銘勳劉會同孫殿魁霍紹光等諸宰繼之

武職

李德一 吉林雙陽縣第五區李家屯人現任黑龍江省騎兵團團長

王樹聲 號宇清係雙陽縣第五區王家屯人曾任鐵嶺磐石賓縣等縣知事現任東

省護路軍總司令部軍法處處長

張鑾塘 號亦太係雙陽縣第二區張家街人曾任吉林督軍署參謀晉級陸軍少將

耆舊

李泰昌 號芳溪拉腰子人光緒十二年由附貢生舉孝廉方正

稽考歷代方志人物法當略古而詳今蓋古人名行已染汗青一方紀載於古無加於文爲贅故止取近代諸賢表彰而休明之若古昔耆舊名宦節義各士紳又艱於採訪難免掛漏有闕前光負慚桑梓多矣容俟增附

名宦

博多勒 號崇武二區關家燒鍋人曾任吉林副都統剛直清廉遺愛在民至今稱之
宋小濂 號友梅二區雙頂子人曾任黑龍江及督都參政院議員

馬成顯 字志卿吉林旂人世襲雲騎尉歷充本省將軍衙門兵司刑司等差使因勞績保升協領甲午年隨黑龍江將軍依誠勇公征討充敵愾軍管帶統領等差轉戰遼海取至克捷和議告成誠勇公升盛京將軍調充錦寧廣義四縣稅捐鑛務總辦實心任事收入倍增黑龍江巡撫程知其能調辦綏化等縣稅捐未幾因病辭職回籍爲人慷慨好義長於治軍年五十七歲卒於鄉

馬俊顯 字績卿五區馬家頭台人前清歷任奉天岫岩新民承德康平遼陽義州蓋平盤山懷仁興京昌圖府廳州縣十有餘城服官三省從政四十餘年入參戎幕出任繁鉅所至罔不威克厥愛遺惠在人民國十年任吉林實業廳廳長二年卒於任

馬德思 字綸閣五區馬家頭台人前清二品銜內閣存記道熱河承德府知府民國
簡任職存記署理浙江長興縣知事三等文虎章三等嘉禾章現任吉林實業廳廳
長

何械樸 字雨人五區放牛溝人前清優貢生候補知府以道員用歷充勘放黑龍江
甘井子及沿江一帶荒務行局總理嗣經吉林巡按使孟調充吉林永衡官銀錢號
總稽查幫辦會辦等差在職十年後解職歸田現年八十歲

何其章 字梓煥五區馬家頭台何家屯人前清附生隨貴統領辦理文案著有勞績
保給五品功牌後考取貢生歷辦吉林義學統轄全城官立學校嗣經吳提學使聘
爲學務議紳參議省城學務兼充中關學校校長嗣入商界充商會坐辦民國七年
卒於商會

節義

龔王氏 一區二道灣子人距縣十二里係清鑲紅旗烏鎗營龔永貴之妻永貴陣亡
氏守寡三十八年經前縣知事奏請旌表於民國三年三月二十一日奉袁大總統
批准優加褒揚給予匾額題字金質褒章並准立碑建坊

李于氏 小龍王廟人距縣二十五里守寡三十年經前清欽賜彤管標芳之匾額風霜其操松柏其節標名女史誠無愧焉

安于氏 縣城人守寡五十二年經城議會公送匾額曰真孝之門以上已說明掛漏之處

物產

天然物 約分三類

(一)動物 家畜有牛羊騾馬犬豕等物南境居民間有養鹿者 野畜北境無多惟有狼狐雉兔而已南境深林密菁中兼有獐狗麝鹿等項亦無熊羆虎豹蓋人煙漸稠大獸無以容畜故逐漸消滅以至於盡再也數十年後山童嶺秃居民稠密將獐狗等項恐亦不能容畜矣豈非天然淘汰哉

(二)植物 木類有松柞樺榆楊柳之屬尤以柞林柳涵爲多草類有萋莎薄葦之屬惟

烏拉紅毛

即苦房草

二草爲特產果類有梨李杏桃葡萄山查核桃諸品藥類甚繁若防風

桔梗百合地芋苦參柴胡紫蘇荊芥車前子諸藥境內無地不有菌類有黃蘑白蘑榛蘑楊蘑木耳菜類有薇蕨薺萱蘋蘩卷耳充足異者芎條一項可以製筐筥編房蓋作

火材每年運出外縣不下數百萬斤

(三) 礦物

境內煤礦有四處(一)石碑嶺(二)小河台(三)陶家屯(四)頭道梁子

石灰窯有四(一)夾皮山三區盧家窯(二)大荒溝五區周家窯(三)放牛溝五區范家窯(四)石溪河子

四區南境

碗窯有一所在五區板堯窩堡

石廠有二(一)石匠窩堡五區(二)放牛溝嶺南五區

種植物 穀類以元豆紅糧小米為大宗 蔬類以蘿蔔白菜葱韭為要品 菸麻二

項盛產於南境每年運出外縣約值銀數萬元靛青出縣之北境今因外洋染料運入

種者遂少

製造物 油 城鎮皆有油房 酒 縣城暨三區境皆有燒鍋 麵 城鎮皆製 粉 城鎮皆製 錫 即米芽糖每於冬日製 草帽 鎮鄉皆製 筐篋 鎮鄉皆製 紙類 若草紙毛頭紙皆本縣自

製皮類 若烏拉皮靴皮鞵皆本縣自製 瓷器 碗碟皆能自製更轉運他縣密在

交通

(一) 道路無梗塞之處由縣城南至磐石縣境有大路二條(一)南行偏西由蟲王廟

經二道梁子過將軍嶺迤南過土頂子至磐石縣界(一)東南行經鴨子架分水嶺過
新開河五家子三家子至磐石縣界由縣城北至長春縣有大道一條經蓮花泡栗家
屯迤北至前後姚家城再北奢嶺口子經小河台出柳邊至長春境驛站大路東西橫
貫縣境西由四區石溪河子三家子至伊通縣界東由二區長嶺子渡飲馬河至吉林
縣界

(二)郵政 縣城設有郵政收信所吉長磐伊四縣之信件皆可直達於此

纂修

己酉科拔貢

吳榮桂 號子芬 雙陽人

縣視學兼總董

陳永奉 號止敬 雙陽人

監修

現任雙陽縣知事

吉 人 號藹峯 奉天遼陽人

參校

行政科長

趙雲栻 號東生 奉天人
畢鳳樓 號澹尚 安徽人

探訪

勸學所學董

重訂

教育局長

中華民國四年十月出版

中華民國十五年六月再版

譚繼榮號桂五雙陽人
朱炳勛號閣臣雙陽人

馬忠弼號予良雙陽人

陳清海題

110

